

All in for Kids

Tsab Ntawv Xov Xwm rau Tsev Neeg hais txog Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos

All in for Kids: Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos yog ib tsab ntawv xov xwm uas pab kom koj thiab koj tsev neeg tau txais kev ceeb toom qhia txog Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos. Tsab ntawv xov xwm no yog luam tawm los ntawm Wisconsin Department of Health Services (DHS).



Kev txhawb pab koj tus me nyuam thaum tuaj mus ntsib

Cov me nyuam yaus yuav loj hlob thiab kawm tau zoo tshaj plaws los ntawm lub sij hawm ua lub neej txhua hnub, nyob hauv tsev, nyob rau tom qhov chaw zov me nyuam, thiab thaum lub sij hawm ua tej dej num txhua hnub uas lawv yeej nyiam ua lawm. Yog vim li ntawd Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos thiaj tsom mus rau kev pab cov tsev neeg los txhawb nqa lawv tus me nyuam txoj kev loj hlob thaum tuaj mus ntsib, tsis yog thaum lawv nyob hauv cov chaw no xwb.

Ib txoj hau kev tseem ceeb uas lub khoos kas siv los ua qhov no ces yog los ntawm cov ntawv sau tseg thaum mus saib hauv tsev thiab cov phiaj xwm sib koom ua ke.

Txoj phiaj xwm sib koom ua ke yog dab tsi?

Thaum kawg ntawm txhua zaus uas Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos tuaj mus saib hauv tsev, koj thiab koj tus neeg muab kev pab cuam yuav sib cog ua hauj lwmm ua ke los tsim ib txoj phiaj xwm sib koom ua ke. Tej zaum koj kuj yuav hnov muab hu ua lwmm lo tias yog daim ntawv sau tseg thaum mus saib hauv tsev.

Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Ntxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.

Txoj phiaj xwm sib koom ua ke yuav:

- Sua cov ntsiab lus hais txog yam uas tau tshwm sim thaum lub sij hawm mus ntsib
- Muab tej dej num txuas rau koj tus me nyuam cov hom phiaj hauv txoj phiaj xwm kev pab cuam rau tsev neeg ua ntiag tug (IFSP)
- Txheeb xyuas cov tswv yim yooj yim uas yuav sim ua ntej mus ntsib zaum tom ntej

Txoj phiaj xwm sib koom ua ke txhawb nqa koj tus me nyuam li cas

Txoj phiaj xwm sib koom ua ke yuav pab muab cov tswv yim uas tau muab koj los sib tham thaum mus saib hauv tsev hloov mus ua txoj kev kawm txhua hnub. Koj thiab koj tus neeg muab kev pab cuam yuav sib cog:

- Xaiv cov dej num uas phim rau yam uas koj tus me nyuam nyiam
- Txiaiv txim siab seb thaum twg thiaj li yuav haum rau koj lub sij hawm tshaj plaws
- Hloov kho cov tswv yim kom tuaj yeem siv tau hauv koj lub tsev los sis hauv lub chaw zov me nyuam

Vim li cas tej dej num uas yuav ua txhua hnub thiaj li tseem ceeb

Cov me nyuam yuav kawm tau zoo tshaj plaws:

- Nyob rau hauv tej chaw uas lawv hnov tias xis nyob, xws li hauv tsev los sis chaw zov me nyuam
- Nrog cov neeg uas lawv paub thiab ntseeg siab, xws li leej niam leej txiv thiab cov neeg zov
- Thaum lub sij hawm ua tej dej num uas lawv twb yeej ua txhua hnub lawm, xws li lub sij hawm noj mov, lub sij hawm ua si, lub sij hawm da dej, los sis kev hnav khaub ncaws

Yuav muaj dab tsi tshwm sim txuas mus tom ntej?

Koj yuav tau txais ib txoj phiaj xwm sib koom ua ke nyob rau thaum kawg ntawm txhua zaus uas tuaj ntsib. Yog koj tsis tau txais, ces koj yuav tuaj yeem thov tau.

Tom qab ntawd, thaum tuaj ntsib zaum txuas mus tom ntej, ces koj thiab koj tus neeg muab kev pab cuam yuav tshuaj xyuas txoj phiaj xwm sib koom ua ke thiab tham txog:

- Yam uas yeej ua tau zoo lawm
- Yam uas ua tsis tau zoo los sis hnov tau tias muaj teeb meem nyuaj
- Yam uas cuam tshuam
- Yam uas yuav sim ua txuas mus tom ntej

Koj lub luag hauj lwm tseem ceeb tshaj plaws

Cov phiaj xwm sib koom ua ke yuav txhawb lub zog loj rau cov niam cov txiv thiab cov neeg zov kom los ua tus coj rau lawv tus me nyuam txoj kev kawm. Koj xaiv yam uas koj xav tias muaj tseeb rau koj tsev neeg thiab txiaiv txim siab txog lub sij hawm thiab txoj hau kev sim cov tswv yim no thaum ua koj lub neej txhua hnub.

Ib txoj kev npaj pab tsev neeg tus kheej (IFSP) yog dab tsi thiab vim li cas nws tseem ceeb?

IFSP yog ib daim ntawv uas muaj ntaub ntawv qhia paub txog koj pab neeg, koj tsev neeg, cov txiaj ntsig (cov hom phiaj) uas koj teem tseg, thiab cov kev pab cuam uas muab los pab koj tus me nyuam thiab tsev neeg kom ua tiav cov txiaj ntsig ntawv. Nws yog ib daim duab qhia kev mus rau txoj kev vam meej. Nws yog ib qho uas muab hloov kho, uas muaj yam uas koj xav tias yog ib qho tseem ceeb, thiab muab hloov kho raws li koj tus me nyuam txoj kev loj hlob. Nws yog ib txoj hau kev kom paub meej tias koj tus me nyuam tau txais kev lom zem ua ib tug me nyuam thaum kawm thiab loj hlob ntawm lawv tus kheej, nrog koj txhawb nqa lawv txhua kauj ruam ntawm txoj kev.

Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Nbxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.

Muaj lus nug puas yog?

Yog koj muaj lus nug txog txoj phiaj xwm sib koom ua ke, ces nrog koj tus neeg muab kev pab cuam los sis tus neeg dhia dej num kev pab cuam tham. Kev npaj phiaj xwm ua ke yuav pab txheeb xyuas tej kev txhawb nqa, cov peev txheej, thiab cov phiaj xwm ntaus tswv yim uas koj tsev neeg xav tau los pab koj tus me nyuam txoj kev kawm txuas ntxiv mus thaum tuaj mus ntsib.

Kev txhawb pab koj tus me nyuam yuav tsis xaus thaum tuaj mus saib hauv tsev tas lawm. Los ntawm kev npaj txoj phiaj xwm sib koom ua ke, yuav ua rau cov tsev neeg muaj kev ntseeg siab, muaj peev xwm, thiab tau txais kev txhawb pab thaum lawv pab lawv tus me nyuam kawm thiab loj hlob txhua hnuv. ❖

Kev coj tus me nyuam mus txhaj tshuaj tiv thaiv kab mob kom raws lub sij hawm tshaj plaws



DHS xav kom cov tsev neeg paub tias Wisconsin cov lus qhia txog kev txhaj tshuaj tiv thaiv kab mob rau me nyuam yaus yeej tsis hloov pauv. DHS yuav txhawb cov tsev neeg kom ua raws li daim phiaj teem sij hawm txhaj tshuaj tiv thaiv txuas ntxiv mus raws li kev tshawb fawb thiab kev muab lus qhia los ntawm cov kws kho me nyuam yaus.

Thaum pib lub xyoo no, tsoom hwv teb chaws cov chaw hauj lwm tau muab daim phiaj teem sij hawm txhaj tshuaj tiv thaiv kab mob rau me nyuam yaus thoob teb chaws hloov kho tshiab lawm. Txhawm rau ua raws li qhov kev hloov kho tshiab no, DHS thiaj li tau tshuaj xyuas tej kev hloov pauv ntawd thiab ua raws li nws cov lus qhia rau cov tsev neeg hauv Wisconsin kom ua raws li daim phiaj teem sij hawm txuas ntxiv mus uas tau txais kev txhawb pab los ntawm American Academy of Pediatrics (AAP). Daim phiaj teem sij hawm no raug siv nthuav dav los ntawm cov chaw kho mob thiab raws li cov pov thawj fab kev tshawb fawb los ntev uas qhia tias kev txhaj tshuaj tiv thaiv kab mob yeej pab tiv thaiv cov me nyuam los ntawm cov kab mob hnyav uas tuaj yeem tiv thaiv tau.

Qhov no txhais tau li cas rau cov tsev neeg

- Nrog koj tus me nyuam qhov chaw kho mob tham txog kev txhaj tshuaj tiv thaiv kab mob thiab ua raws daim phiaj teem sij hawm uas tau txais lus qhia.
- Wisconsin cov cai hais txog kev txhaj tshuaj tiv thaiv kab mob hauv cov tsev kawm thiab cov chaw pab zov me nyuam yeej tseem zoo ib yam li qub.
- Cov tshuaj tiv thaiv kab mob uas tau txais kev pom zoo tseem yuav tau txais kev pab duav nqi txuas mus ntxiv los ntawm Wisconsin Medicaid thiab lub khoos kas Txhaj Tshuaj Tiv Thaiv Kab Mob rau Me Nyuam Yaus uas muaj cai tsim nyog tau txais.

Cov tshuaj tiv thaiv kab mob tau pab kom cov me nyuam yaus muaj kev noj qab nyob zoo tau ntau tiam neeg, thiab DHS kuj txhawb pab kev siv cov tshuaj tiv thaiv kom muaj kev nyab xeeb thiab tau txais txiaj ntsig zoo los tiv thaiv cov me nyuam yaus, cov tsev neeg, thiab cov zej zog thoob plaws Wisconsin.



Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Ntxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.

Cov tsev neeg uas xav kawm paub ntau ntxiv tuaj yeem:

- Nyeem DHS cov xov xwm tso tawm hais txog Wisconsin cov lus qhia txog tshuaj tiv thaiv kab mob tam sim no: dhs.wi.gov/news/releases/010826.htm
- Tshuaj xyuas lawv tus me nyuam cov ntaub ntawv khaws cia txog kev txhaj tshuaj tiv thaiv kab mob dhau los ntawm Wisconsin Immunization Registry (WIR) los sis nug lawv qhov chaw kho mob los pab kom nkag mus saib tau ntawm: dhs.wi.gov/immunization/wir.htm
- Saib Wisconsin daim phiaj teem sij hawm txhaj tshuaj tiv thaiv kab mob rau me nyuam yaus uas tau txais kev pom zoo ntawm: dhs.wi.gov/immunization/schedule.htm ❖

Yuav tsum muaj cov niam cov txiv nkag los nyob rau Pab Pawg Saib Xyuas Kev Sib Koom Tes Ntawm Ntau Lub Chaw Hauj Lwm rau Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos

Pab Pawg Saib Xyuas Kev Sib Koom Tes Ntawm Ntau Lub Chaw Hauj Lwm yog dab tsi?

Pab Pawg Saib Xyuas Kev Sib Koom Tes Ntawm Ntau Lub Chaw Hauj Lwm (ICC) yuav sib qhia cov tswv yim thiab cov lus qhia tias seb Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos yuav tuaj yeem pab cov me nyuam uas muaj kev loj hlob qeeb thiab muaj kev xiam oob qhab thiab lawv tsev neeg tau li cas.

Muaj ib txhia tswv cuab hauv pab pawg saib xyuas yog cov niam cov txiv tuaj ntawm ntau haiv neeg sib txawv uas muaj cov me nyuam muaj kev loj hlob qeeb los sis muaj kev xiam oob qhab. Cov niam cov txiv yog cov tswv cuab tseem ceeb hauv pab pawg saib xyuas uas muab cov ntaub ntawv qhia paub hais txog yam uas lawv tau paub tau pom dhau los thiab txog yam uas cov tsev neeg xav tau. Lawv cov tswv yim yuav pab tsim cov kev coj ua thiab cov cai rau Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos.


Lwm tus tswv cuab ntawm pab pawg saib xyuas no yuav muaj cov tib neeg tuaj ntawm cov pab pawg neeg tawm tswv yim, cov neeg ua hauj lwm rau Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos, thiab lwm cov neeg ua hauj lwm rau lub nroog thiab lub lav.

Koom nrog Pab Pawg Saib Xyuas Kev Sib Koom Tes Ntawm Ntau Lub Chaw Hauj Lwm

DHS tab tom nrhiav cov tswv cuab uas yog cov niam txiv los koom nrog ICC. Lub sij hawm ua tswv cuab yog ntev txog 3 xyoos.

ICC yuav qhib rooj sib tham plaub zaug hauv ib lub xyoos, thiab cov rooj sib tham feem ntau yog qhib nyob kev deb (los ntawm kev koom hauv online los sis hauv kev hu xov tooj). Muaj ib lub rooj sib tham Circles of Life Conference yam tim ntsej tim muag nyob rau ntawm Circles of Life Conference hauv Stevens Point, Lub Tsib Hlis Ntuj Tim 14-15, 2026.

Yog tias koj xav ua ib tug tswv cuab ntawm pab pawg saib xyuas los sis xav kawm pab ntau ntxiv txog pab pawg saib xyuas, ces mus rau nplooj web xaib tswv cuab ICC kom paub ntxiv txog pab pawg saib xyuas ntawm dhs.wi.gov/b3icc/members.htm.



Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Ntxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.

Yog koj xav thov ua ib tug tswv cuab ntawm pab pawg saib xyuas, mus rau evers.wi.gov/Pages/Application_Process.aspx. Los ntawm qhov no:

1. Nias rau qhov chaw txuas "Application (Daim Ntawv Thov)"
2. Ua kom tiav daim ntawv thov hauv online. Thaum raug nug tias seb koj xav nkag rau pawg thawj coj twg, ces xaiv "Birth to Three Program Interagency Coordinating Council (Pab Pawg Saib Xyuas Kev Sib Koom Tes Ntawm Ntau Lub Chaw Hauj Lwm rau Lub Khoos Kas rau Cov Me Nyuam Yug Kiang Los txog Hnub Nyooog Peb Xyoos)" ua koj thawj txoj kev xaiv.



Koom nrog Pab Pawg Saib Xyuas Kev Sib Koom Tes Ntawm Ntau Lub Chaw Hauj Lwm lub rooj sib tham

Koj tuaj yeem koom nrog ICC lub rooj sib tham tau txawm tias koj tsis yog ib tug tswv cuab los xij. Koj tuaj yeem faib qhia koj tej kev xav thiab tej lus xam pom txog Lub Khoos Kas rau Cov Me Nyuam Yug Kiang Los txog Hnub Nyooog 3 Xyoos rau ICC tau nyob rau ntawm lub rooj sib tham.

Txhawm rau saib cov hnub tim thiab cov txheej txheem ntawm cov rooj sib tham uas los yuav txog tom ntej no, mus saib nplooj vev xaib cov rooj sib tham ICC ntawm dhs.wi.gov/b3icc/meetings.htm. Hais txog rau qhov chaw txuas mus rau lub rooj sib tham hauv online uas tab tom los yuav txog tom ntej los sis hais txog rau cov ntaub ntawv qhia paub ntau ntxiv txog pab pawg saib xyuas, mus rau nplooj vev xaib ICC ntawm dhs.wi.gov/b3icc/index.htm. ❖

Lub rooj sib tham Circles of Life Conference xyoo 2026: lub sij hawm los kawm, sib txuas lus, thiab loj hlob

Lub rooj sib tham Circles of Life Conference yog lub rooj sab laj txhua xyoo rau cov tsev neeg hauv Wisconsin uas muaj cov me nyuam yaus txhua lub hnub nyooog uas muaj kev xiam oob qhab. Cov kws kho mob thiab lwm tus kws tshaj lij uas txhawb pab cov tsev neeg kuj puav leej tuaj koom, tsim ib qho chaw sib koom los kawm, sib txuas lus, thiab loj hlob ua ke.

Nyob rau lub xyoo txwm 40 xyoo no, lub rooj sib tham Circles of Life Conference yuav muab ib qho kev paub kev pom uas zoo siab txais tos thiab tsom rau tsev neeg. Thoob plaws lub rooj sib tham no, cov tsev neeg yuav tuaj yeem sib txuas lus nrog lwm tus, koom cov kev kawm, thiab kawm paub txog cov peev txheej tshiab uas txhawb pab cov me nyuam yaus, cov hluas, thiab cov tsev neeg thoob plaws Wisconsin.

Ntau tus neeg hais lus hauv lub rooj sib tham yog muaj cov niam cov txiv ntawm cov me nyuam uas muaj kev xiam oob qhab thiab cov kws tshaj lij tib si. Cov kev kawm yuav tsom rau mus cov tswv yim thiab cov phiaj xwm ntaus tswv yim uas siv tau rau kev sib cog koom tes los txhawb cov txiaj ntsig zoo rau cov me nyuam yaus. Cov ncauj lus no suav nrog kev saib xyuas tus kheej, lub neej tom qab kawm tiav tsev kawm theem siab, kev tawm tswv yim, kev npaj phiaj xwm fab nyiaj txiaj, thiab ntau yam ntxiv.



Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Nbxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.

Cov dej num rau tag nrho tsev neeg yog muaj xws li:

- 30 qhov kev cob qhia tsom rau tsev neeg
- Gathering of Youth, ib qho khoos kas muaj zog rau cov hluas hnuv nyoog 10–18 xyoo uas muaj kev xiam oob qhab
- Sibshop Kids thiab Sibshop Teens, kev kawm ib nrab hnuv rau cov kwv tij nus muag
- Hmo Kev Lom Zem Rau Tsev Neeg
- Ntau dua 45 tus neeg muab cov peev txheej
- Muaj neeg txhais Lus Xab Pees Niv thiab ASL, yog tias thov txog

Cov ntsiab lus txog lub rooj sab laj

Lub rooj sib tham Circles of Life Conference xyoo 2026 yuav qhib nyob rau **Hnuv Thursday thiab Friday, Lub Tsib Hlis Tim 14–15, 2026**, ntawm **Holiday Inn Stevens Point-Convention Center** hauv **Stevens Point, Wisconsin**. Qhov chaw uas haum rau tsev neeg no muaj chaw nres tshab yooj yim, muaj khw noj mov nyob rau hauv qhov chaw, thiab pas dej ua luam dej.

Cov chav tsev so uas khaws cia ua pab pawg ntawm Holiday Inn Stevens Point-Convention Center thiab Holiday Inn Express thiab Suites Stevens Point yog tuaj yeem coos tau yam tau txais kev luv nqi. Peb thov txhawb kom cov tsev neeg kav tsij coos chav so kom ntxov.

Kev Teev Npe

Hais txog rau cov ntaub ntawv qhia paub thiab kev teev npe rau lub rooj sab laj, mus saib familyvoiceswi.org/circles-of-life-conference. ❖

Daim ntawv thov nyiaj pab rau Lub Khoos Kas rau Cov Me Nyuam Yug Kiang Los txog Hnuv Nyoog 3 Xyooos (Tshooj C) yog qhib rau niam txiv pej xeeb los tawm lus xam pom lawm

Txhua xyoo, Wisconsin Lub Khoos Kas rau Cov Me Nyuam Yug Kiang Los txog Hnuv Nyoog 3 Xyooos yuav tsum tau xa daim ntawv thov nyiaj pab mus rau Office of Special Education Programs hauv U.S. Department of Education kom tau txais nyiaj pab los ntawm tsoom hwv teb chaws.

Cov tsev neeg tuaj yeem tawm lus xam pom rau daim ntawv thov nyiaj pab thiab muab lus taw qhia rov qab tias seb Lub Khoos Kas rau Cov Me Nyuam Yug Kiang Los txog Hnuv Nyoog 3 Xyooos yuav npaj siv cov nyiaj uas tau los ntawm tsoom hwv teb chaws li cas.

Kev tawm suab ntawm tsev neeg yog ib qho tseem ceeb—peb xav hnov los ntawm txhua tsev neeg uas muaj me nyuam nyob rau hauv Lub Khoos Kas rau Cov Me Nyuam Yug Kiang Los txog Hnuv Nyoog 3 Xyooos. Peb yuav muab txhua yam lus xam pom coj los ntsuam xav.



Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Ntxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.

Cov tsev neeg tuaj yeem mus saib Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos Daim Ntawv Thov Nyiaj Pab Xyoo 2026 tau ntawm dhs.wi.gov/birthto3/reports/federal.htm.

Cov tsev neeg tuaj yeem xa cov lus xam pom los ntawm kev xa email mus rau dhsbirthto3@dhs.wisconsin.gov los sis los ntawm kev xa raws tsev pais xab nis mus rau qhov chaw nyob hauv qab no:

Wisconsin Department of Health Services
Attn. Part C Coordinator
201 East Washington Ave
Madison, WI 53707

Koj tuaj yeem thov daim ntawv theej ntawm daim ntawv thov Tshooj C los ntawm kev xa email mus rau dhsbirthto3@dhs.wisconsin.gov. ❖

Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos xav tau koj tsev neeg cov dab neeg thiab cov duab!

Tsab ntawv xov xwm All in for Kids yog muab rau cov tsev neeg. Peb xav nthuav koj cov duab thiab tej kev paub kev pom dhau los rau lwm tus neeg nyeem kom lom zem! Koj tuaj yeem qhia tej yam xws li:

- Kev sib cuag zoo nrog Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos.
- Ib qho piv txwv txog tias seb Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos tau pab koj tsev neeg los sis tus me nyuam li cas lawm.
- Daim duab los sis zaj dab neeg txog yam dej num uas koj tau nrog koj tus me nyuam ua.
- Daim duab txog tej duab kos los sis lwm yam uas koj tus me nyuam tau ua.

Muab koj tsev neeg zaj dab neeg los sis daim duab xa email mus rau dhsbirthto3@dhs.wisconsin.gov uas yog sau lo “All in for Kids” ua ke rau hauv kab npe. Koj kuj tseem puav leej tuaj yeem xa cov tswv yim rau cov dab neeg uas koj xav pom hauv tsab ntawv xov xwm tau tib si thiab. Peb tos ntsoov yuav hnov ib lo lus los ntawm koj!

Cov peev txheej muaj txiaj ntsig rau tsev neeg Kev npaj kom txhij rau kev mus kawm ntawv pub dawb rau cov me nyuam uas muaj plaub xyoo

Governor Evers, nrog rau Wisconsin Department of Children and Families (DCF), tau pib qhov Get Kids Ready, uas yog Wisconsin thawj lub khoos kas kev npaj txhij rau kev mus kawm ntawv uas tau nyiaj pab los ntawm lub lav rau cov me nyuam uas yuav muaj hnub nyoog plaub xyoo rau los sis ua ntej Lub Cuaj Hlis Tim 1, 2026. Los ntawm qhov kev pib tshiab no, cov chaw pab zov me nyuam uas muaj kev qhia txog kev npaj txhij rau kev mus kawm ntawv uas tau txais kev pom zoo yuav tau txais nyiaj los ntawm lub lav, thiab cov tsev neeg uas koom nrog yuav tsis tau them nqi rau lub sij hawm ntawd. Lub khoos kas no yuav pab cov me nyuam tsim cov

Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Ntxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.

qauv tes uas lawv yuav tsum muaj los kawm kom tiav hauv qib kindergarten thiab tom qab ntawd, suav nrog kev kawm, lub cev, kev sib raug zoo-kev xav, thiab kev pab tus kheej.

Kawm paub ntau ntxiv ntawm Wisconsin Department of Children and Families nplooj vev xaib rau Get Kids Ready: dcf.wisconsin.gov/getkidsready ❖

Kawm paub ntau ntxiv txog Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos

Daim ntawv The First 1,000 Days (Thawj 1,000 Hnub) no yuav muab cov ntsiab lus qhia txog lub khoos kas dhs.wi.gov/library/collection/p-02928.

Phau ntawv qhia txog Kev Tsa Muag Ntsia Ib Plias txog Cov Kev Pab Cuam hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yuav piav qhia txog cov kev txhawb pab thiab cov kev pab cuam uas muaj: dhs.wi.gov/library/collection/p-03011.

Phau ntawv The Early Intervention Services for Infants and Toddlers with Delays and Disabilities in Wisconsin pab koj nkag siab tias kev pab cuam ntxov pab koj tsev neeg thiab me nyuam kawm thiab loj hlob ua ke li cas: dhs.wi.gov/library/collection/p-03022.

Cov ntawv xov xwm yav dhau los ntawm All in for Kids: Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yog muaj nyob hauv online: dhs.wi.gov/library/collection/akidsb-3-2024. ❖

KOOM NROG PEB DAIM NTAWV TEEV NPE XA EMAIL

Txhawm rau xa kom sai dua, mus sau npe txais tsab ntawv xov xwm no ua es lev thaus niv thiab lwm yam email hais txog Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos. Mus rau dhs.wi.gov/aboutdhs/alerts.htm thiab kiv nqis mus rau hauv thiab nias qhov chaw txuas mus rau Cov Ntaub Ntawv Qhia Paub txog Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos rau Cov Tsev Neeg.

Tsis txhob hnob qab qhia koj tsev neeg thiab tej phooj ywv hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos kom sau npe thiab!

Cov ntaub ntawv qhia paub uas muab nyob rau hauv tsab ntawv xov xwm no yog luam tawm raws li U.S. Department of Education, Tsab Cai Hais Txog Txoj Kev Kawm rau Cov Neeg Xiam Oob Qhab (IDEA), thiab Lub Khoos Kas Cuam Tshuam Pab Thaum Ntxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Xiam Oob Qhab raws Cov Cai Tshooj C.



All in for Kids: Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yog ib tsab ntawv xov xwm luam tawm los ntawm Wisconsin Department of Health Services rau cov me nyuam thiab cov tsev neeg nyob rau hauv Wisconsin Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos.

Wisconsin Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yog ib lub khoos kas kev cuam tshuam pab thaum ntxov uas cog lus tias yuav pab cov me nyuam uas muaj hnub nyoog qis dua 3 xyoos uas muaj kev loj hlob qeeb thiab muaj kev xiam oob qhab thiab lawv tsev neeg. Lub khoos kas no koom tes nrog cov tsev neeg los pab tus me nyuam txoj kev loj hlob thiab txhawb nqa tsev neeg txoj kev paub, kev txawj, thiab lub peev xwm thaum lawv sib txuas lus thiab tu lawv tus me nyuam. Hais txog rau cov ntaub ntawv qhia paub ntau ntxiv, mus saib dhs.wi.gov/children/index.htm.

Para leer este boletín en español, visite dhs.wi.gov/library/collection/akidsb-3-2026. Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/akidsb-3-2026.

Rau lwm hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, ണസംസാര, Français, Polski, हिंदी, Shqip, Tagalog, Soomaali): 608-266-5508.